

Mien - Waaic Hnyouv Ging-Sou - Bad Mind Scriptures

Tin Deic Douh 26:35 Weic naaiv deix i dauh m'sieqv dorn, I^sakc caux Le^mbe^kaa zuqc nzauh camv.

Nzamc Leiz-Latc 28:65 Yiem wuov deix fingx mbu'ndongx meih mbuo maiv duqv yiem longx yaac maiv maaih ganh nyei dorngx. Yiem wuov Ziouv oix bun meih mbuo hnyouv zanc-zanc gamh nziex, hnyouv nzauh, maiv lamh hnamv dorngx.

Lu^te 1:18 Naa^o^mi buatc Lu^te liepc dingc hnyouv caux ninh mingh, ninh ziouc dingh njiec, maiv kuinx ninh nzuonx.

2 Saa^mu^en 17:8 Husai aengx gorngv, "Meih hiuv duqv meih nyei die caux ninh nyei mienh se mborqv jaax henv nyei mienh. Ih zanc ninh mbuo qiez jiez hnangv yiem lomc-huaang nyei jiepv-nyeiz, ninh nyei dorn zuqc caangv mingh nor. Maiv daan mbuoqc naaiv. Meih nyei die se yietc dauh mborqv jaax henv nyei mienh. Lungh muonz zanc ninh maiv caux ninh nyei baeng-guanh bueix.

Cong-Mengh Waac 21:27 Orqv mienh ziec nyei ga'naaiv se gamh nziev nyei, ninh longc orqv nyei za'eix dorh daaih zungv gauh fatv kouv.

Cong-Mengh Waac 29:11 Mienh hngongx mienh bun ninh nyei ga'qiez baetv cuotv nzengc, mv baac cong-mengh mienh longc noic nyienz jienv.

E^sa^ken 23:17,22,28 Mbaa^mbi^lon Mienh ziouc daaih caux ninh bueix, ziux ninh mbuo hanc nyei jauv zoux, ziouc bun ninh maaih uix. Zuqc maaih uix liuz, ninh youx mi'aqv, maiv mangc ninh mbuo aqv. 22 "O^ho^li^mbaa aah! Weic naaiv Ziouv Tin-Hungh gorngv, 'Yie oix bun zinh ndaangc hnamv meih mv baac nqa'haav meih youx wuov deix mienh daaih mborqv meih. Yie oix dorh ninh mbuo yiem biei bung daaih caux meih doix-dekc. 28 "Weic zuqc Ziouv Tin-Hungh gorngv, 'Yie oix zorqv meih jiu bun yiem meih nzorng wuov deix mienh nyei buoz-ndiev, se meih youx wuov deix mienh nyei buoz-ndiev.

E^sa^ken 36:5 Weic naaiv Ziouv Tin-Hungh hnangv naaiv gorngv, "Yie za'gengh! nzaeng jienv meih mbuo ziouc gorngv wuov deix zengc njiec nyei ganh fingx mienh caux E^ndom nyei yietc zungv mienh. Ninh mbuo orn-lorqc haic, hnyouv nzorng jienv zorqv yie nyei deic-bung benx ninh mbuo ganh nyei buonc aengx luv deic-bung."

E^sa^ken 38:10 " 'Ziouv Tin-Hungh hnangv naaiv gorngv, "Taux wuov hnoi meih nyei hnyouv oix hnamv cuotv ziex nyungc. Meih ziouc daav orqv nyei za'eix.

Ndaa^ni^en 5:20 Mv baac ninh nyei hnyouv maux jienv faaux, hnyouv ngaengc, zoux duqv maux, ninh ziouc zuqc tuix cuotv ninh nyei hungh weic caux zoux hungh nyei njang-laangc.

Lugaa 12:29 Meih mbuo maiv dungx zanc-zanc nzauh jienv oix zuqc nyanc oix zuqc hopv haaix nyungc, yaac maiv dungx kuonx hnyouv.

Gong-Zoh 12:20 Helotv qiez jiez haic Tailaqv caux Sai^ndorn Zingh nyei mienh. Naaiv deiv i norm zingh nyei mienh ziouc dongh hnyouv mingh lorz Helotv. Maiv gaengh lorz wuov zanc, ninh mbuo beic ndiev mingh tov goux hungh dinc wuov dauh domh jien, Mbaa^laa^saa^tatv, tengx ninh mbuo caux hungh diex tov gorngv horpc, weic zuqc ninh mbuo nyei deic-bung bangc Helotv gunv wuov norm deic-bung nyei laangh ziqc yungz baeqc fingx.

Gong-Zoh 14:2 Mv baac maiv sienx wuov deiv Yiutai Mienh coqv Janx bun ninh mbuo maaiah hnyouv oix zoux doqc wuov deiv gorx-youz.

Lomaa 1:28 Laaix mienh hnyouv ngaengc, maiv oix hiuv Tin-Hungh, Tin-Hungh cingx daaih maiv gunv ninh mbuo. Sueih ninh mbuo gan ninh mbuo ganh waaic haic nyei hnyouv zoux maiv horpc zuqc zoux nyei sic.

Lomaa 8:6,7 Se gorngv bun baamh mienh nyei hnyouv gunv nor, zungv oix zuqc daic. Mv baac Singx Lingh gunv nor, ziouc duqv ziangh maengc yaac duqv baengh orn. 7 Hnangv naaic, haaix dauh kungx hnamv taux baamh mienh zoux nyei sic, wuov dauh benx Tin-Hungh nyei win-wangv, weic zuqc ninh maiv ei Tin-Hungh nyei leiz-latc, zungv maiv haih ei jienv zoux.

Lomaa 11:20 Zien nyei. Ninh mbuo zuqc pitv guangc weic zuqc ninh mbuo maiv sienx. Mv baac meih mbuo duqv ziangh jienv weic zuqc meih mbuo sienx. Hnangv naaic, maiv dungx zoux maux. Oix zuqc gamh nziex.

2 Ko^lin^to 10:5 caux ceng-hlo nyei nyungc-nyungc, dongh laanh jienv maiv bun mienh hiuv duqv Tin-Hungh nyei sic. Yiem hnyouv hnamv cuotv yietc zungv nyei za'eix yie mbuo oix hingh jiex bun guei Giduc nzengc.

2 Ko^lin^to 11:3 Mv baac yie nzauh heix Haawaa hnangv haaix nor zuqc naang longc guv guaix nyei sic nduov, meih mbuo yaac hnangv wuov nor haih zuqc nduov. Meih mbuo nyei hnyouv ziouc pien mi'aqv, maiv cing-nzengc, maiv ziepc zuoqv nyei gan Giduc.

E^fe^so 2:3 Zinh ndaangc mbuo yietc zungv yiem wuov deiv mienh mbu'ndongx kungx ei mbuo nyei hnyouv hanc zoux, sueih ganh nyei sin, ganh nyei hnyouv oix zoux nyei ziouc zoux aqv. Weic naaiv, ziux mbuo nyei fiem-fingx mbuo m'daaih hnangv wuov deiv nor, zuqc Tin-Hungh nouz mbuo.

E^fe^so 4:17 Weic naaiv yie dengv Ziouv Yesu nyei mbuox kuinx meih mbuo, yangh naaiv jiex maiv dungx yiem hnangv maiv sienx nyei mienh yiem

wuov nor. Ninh mbuo hnamv nyei sic maiv lamh longc.

Ko^lo^si 1:21 Zinh ndaangc meih mbuo zoux nyei caux hnamv nyei waaic sic bun meih mbuo leih Tin-Hungh go, caux ninh zoux win-wangv mi'aqv.

Ko^lo^si 2:18 Maaih deix mienh zoux eix leiz hnangv nyiemc ganh zoux faix, baaix fin-mienh. Kungx nzamc ninh mbuo buatc hinc yaangh nyei sic hnangv, yaac ei baamh mienh nyei eix ceng ganh hlo. Maiv dungx bun naaiv nyungc mienh nduov meih mbuo, bun meih mbuo nyei zingh nyeic ndortv.

1 Te^saa^lo^ni^gaa 5:14 Zuangx gorx-youz aac, yie mbuo tov meih mbuo oix zuqc kuinx mienh lueic mienh, oix zuqc tengx daamv faix nyei mienh zungx daamv, oix zuqc tengx mau nyei mienh, yaac oix zuqc longc noic daaix zuangx mienh.

2 Te^saa^lo^ni^gaa 2:2 Yie hnangv naaiv nor zoux weic tengx ninh mbuo zungx qaqv, horpc fim dongh eix nyei laanh hnamv laanh, ziouc bun ninh mbuo haih sienx dingc, za'gengh bieqc hnyouv nzengc, hiuv duqv Tin-Hungh bun mbiaangx yaangh cuotv daaih nyei sic, se Giduc ganh.

1 Ti^mo^tai 6:5 Naaiv nyungc mienh zanc-zanc nzaeng nyinh cox nyouz, weic zuqc ninh mbuo waaic haic, zien leiz maiv yiem ninh mbuo nyei hnyouv. Ninh mbuo laaic gan Tin-Hungh se bun mienh maaih jauv butv zoih.

2 Ti^mo^tai 3:8 Zinh ndaangc Yannetv caux Yam^mbe hnangv haaix nor ngaengc Mose, ih zanc zoux waaic wuov deix mienh yaac hnangv wuov nor ngaengc zien leiz. Ninh mbuo nyei hnyouv waaic nzengc. Ei ninh mbuo sienx nyei jauv ninh mbuo yaac ndortv nzengc mi'aqv.

Tidatc 1:15 Cing-nzengc nyei mienh funx nyungc-nyungc se cing-nzengc nyei. Mv baac waaic nyei, maiv sienx nyei mienh funx maiv maaih yietc nyungc cing-nzengc, weic zuqc ninh mbuo nyei hnyouv caux laangh fim yietc zungv waaic nzengc.

Hipv^lu 12:3 Meih mbuo hnamv mangc gaax, ninh oix zuqc ndongc naaic diev zuiz-mienh caux ninh doix-dekc. Hnangv naaic, meih mbuo maiv dungx hnyouv namx, maiv dungx suei.

Yaagorpc 1:8 weic zuqc wuov nyungc mienh maaih i diuc hnyouv. Zoux haaix nyungc yaac maiv dingc.